

【老人言】

八の隻浄古





惠以真實之利





孝  
養  
父  
母

奉  
事  
師  
長

劫由業成。業由心生。欲回劫  
運。須正人心。世風未轉。劫運  
難迴。苦因不拔。苦果難出。  
經云。天地之間。五道分明。

善惡報之。禍福相承。身  
自當之。無誰代者。五惡五  
痛。譬言如大火。焚燒人身。敢  
有犯此。當歷惡趣。痛哉。

傷<sub>レ</sub>

太公曰。天有時。地有財。能與  
人共之者。仁也。仁之所在。天下  
歸之。免人之死。解人之難。

濟人之急。救人之患者。德也。  
德之所在。天下歸之。與人之同  
憂。同樂。同好。同惡。義也。義  
之所在。天下歸之。凡人守生



而惡死。好得而歸利。能生利者。道也。道之所在。天下歸之。太公曰。君不肖。則國危而民亂。君賢聖。則國家安而天下治。

禍福在君。不在天時。

善為國者。御民如父母之愛

子。如兄之慈弟。見之飢寒則

為之哀。見之勞苦。則為之悲。

上賢下不肖。取誠信。去詐僞。禁  
暴亂。止奢侈。  
賢君之治國。其政平。吏不苛。  
其賦斂節。其自奉薄。不以私

善。害公法。賞賜不加於无功。刑  
罰不施於无罪。害民者有罪。  
进贤者有赏。官无腐蠹之藏。  
国无流饿之民。

君以世俗之所譽者為賢。智以世俗之所毀者為不肖。則多黨者進。少黨者退。是以群邪比周而蔽賢。忠臣死於無罪。邪臣以虛譽取。

爵位。是以世亂愈甚。故其國不免  
於危亡。

人君有六守三寶。六守者仁義  
忠信勇謀。三寶者大農大工大

商。六守長則國昌。三寶完則國

安。

太公曰。義我勝欲則昌。欲勝義

則亡。敬勝怠則吉。怠勝敬則

滅。故義勝怠者王。怠勝敬者

亡。

無倫常。無貴賤之禮。喜能讒。

用舉。無功者賞。無德者富。無禮



義。善忠信。善聖人。善賢士。善  
法度。善稱衡。此國之大妖也。  
太公曰。吏暴虐。殘賊。敗法。亂刑。而  
上下不覺。此亡國之時也。上好貨。

群臣好得。而賢者逃伏。其亂至矣。

待天下之賢士。勿臣而友之。則君以得天下矣。

太公曰。天下有粟。聖人食之。天下有  
民。聖人收之。天下有物。聖人裁之。  
利天下者取天下。安天下者有天  
下。愛天下久天下。仁天下者化天下。

天子者。天下相愛如父子。此之謂

天子。

不好生而好殺。不好成而好敗。不好

利而好害。不好與而好奪。不好賞而

好罰。妾媵為政。內外相疑。君臣不和。  
拓人田宅。以為台觀。發人丘墓。以  
為苑囿。僕媵衣文繡。禽獸犬馬  
與人同食。而萬民糟糠不厭。裘褐

不完。其上不知而重斂。奪民財物。

藏之府庫。賢人逃隱於山林。小人任

大職。無功而爵。無往而貴。專恣倡

樂。男女昏亂。不恤萬民。違陰陽之

氣忠諫不聽。信用邪佞。此亡國之  
君治國也。

太公曰。一言與身相終者。內寬而  
外仁者也。再言與天地相永者。

是言行相副。若天地无私也。

三言為諸侯雄者。是敬賢用諫。謙

下於士也。四言為海內宗者。敬接不

肖。無貧富。無貴賤。無善惡。無憎愛也。



五言傳之天下無窮者。通於否泰。順  
時容養也。

武王問尚父。五帝之戒可聞乎。

尚父曰。黃帝之時。戒曰。吾之居民上也。

搖搖恐夕不玉朝。堯之居民上。振之  
如臨深川。舜之居民上。兢之如履薄  
冰。禹之居民上。慄之恐不滿日。湯之  
居民上。戰之恐不見旦。王曰。寡人

今新并殷居民上。翼之懼不敢怠。  
太公曰。大蓋天下。然後能容天下。信  
蓋天下。然後可約天下。仁蓋天下。  
然後可以求天下。恩蓋天下。然後

可以王天下。權蓋天下。然後可  
以不失天下。事而不疑。然後天下恃。  
此六者備。然後可以為天下政。  
利天下者。天下啟之。害天下者。天下

閉之。生天下者。天下德之。殺天下者。  
天下賊之。徼天下者。天下通之。窮  
天下者。天下仇之。安天下者。天下恃  
之。危天下者。天下災之。天下非一人

之天下。唯有道者得天下也。

太公曰。問之以言。觀其辭。窮之以辭。

觀其變。與之間。謀觀其誠。明白顯。

問觀其德。使之以財。觀其貪。試之以。

色觀其貞。告之以難。觀其勇。醉之以  
酒。觀其態。則賢不肖別矣。⌋  
大忌。知身之惡而不改也。以賊其身。  
乃喪其軀。⌋

知善不行者。則謂之狂。知惡不改者。謂之惑。

發政施令。為天下福者。謂之道。上下相親。謂之和。民不求而得所欲。謂



之信。除天下之害。謂之仁。仁與信。  
和。與道。帝王之器也。

禮義廉恥。國之四維。四維張。則君  
令行。四維不張。國乃滅亡。政之所行。

在順民心。政之所廢。在逆民心。  
君子養心。莫善於誠。致誠無  
他。唯仁之守。唯義之行。誠心守仁  
則能化。誠心行義則能變。變化代

興。謂之天德。レ

不誠則不能化萬物。不誠則不能

化萬民。夫誠者。君子之守。而政事

之本也。レ

君子恥不修。恥不信。恥不能。不恥  
不見用。是以不誘於譽。不恐於誅。  
率道而行。端然正己。不為物傾側。  
有亂君。無亂國。禹之法。未亡也。而

夏不世主。文武之法猶存。而周不  
世王。故法不能獨立。得其人則存。  
失其人則亡。法者。治之端也。人者。  
法之源也。故有人（賢人君子）。法雖

省。是以編矣。若無人。法雖具。是以  
亂矣。故明主急得其人也。得其人。  
則身逸而國治。功大而名美。若失  
其人。則身勞而國亂。功廢而名辱。

聖哲。君子治之源也。官人守數。君子養源。故上好禮義。尚賢使能。而無貪利之心。則下亦將慕辭讓。致忠信。而謹於臣子矣。故政令不繁。而

俗美。百姓順上。守法而安樂之矣。

國得百姓之力者富。得百姓之死者強。

得百姓之譽者榮。三得者具。而天下歸

之。三得者亡。而天下去之。湯武興天下



同利。除天下同害。政令制度。所以接百姓者。有非理如豪末。必不加焉。故百姓親之如父母。為之死亡而不偷也。孔子曰。國主好見小利。好權謀。好詐。

群臣亦從而成俗。群臣若是，則公庶亦  
不隆禮義而好貪利矣。君臣上下之  
俗莫不若是，則地雖廣，權必輕，人雖  
眾，兵必弱，刑雖繁，令不下通，是謂之

傷國。

孟子見於梁惠王。王曰：叟，不遠千里  
而來，爾將有以利吾國乎？孟子對曰：  
王何必曰利？亦曰仁義而已矣。王曰：何利

吾國。大夫曰何以利吾家。士庶人曰何以利  
吾身。上下交征利。而國危矣。未有仁  
而遺其親者也。未有義而後其君者  
也。梁惠王曰。寡人願安承教。

取自諸子治要

大道之行也。天下為公。選選賢與能。  
講信修睦。故人不獨親其親。不獨  
子其子。使老有所終。壯有所用。幼  
有所長。矜寡孤獨廢疾者。皆有所

所養男有分。女有歸。貨惡其棄  
於地也。不必藏於己。力惡其不出於  
身也。不必為己。是故謀閉而不興。盜  
竊亂賊而不作。故外戶而不閉。是謂

大同。

此言太古之世。風俗醇朴。人無爭心。故其氣象如此。

今大道既隱。天下為家。各親其親。各子其子。貨力為己。大人世及以為禮。城郭溝池以為固。禮義以為紀。以正

君臣以篤父子。以睦兄弟。以和夫婦。  
以設制度。以立田里。以賢勇智。以  
功為己。故謀用是作。而兵由此起。  
禹湯文武成王周公。由此其選也。此六



君子者。未有不謹於禮者也。以著  
其義。以考其信。著者有過。刑仁講讓。  
示民有常。如有不由此者。在執者去  
眾以為殃。是謂小康。  
此正三代之治。乃中國  
極隆平之世也。

孔子曰。夫禮先王以承天之道。以治  
人之情。故失之者死。得之者生。  
失之則天理滅。人欲肆。焉得不死。  
捨財。消災。集福。為人生一大事。

佛所行處。國邑丘聚。靡不  
蒙化。天下和順。日月清明。風雨  
以時。災厲不起。國豐民安。兵戈  
無用。崇德興仁。務修禮讓。國

無盜賊。無有怨枉。強不凌弱。吾得

其所。

佛陀教育普及推行之處。所  
必然獲得如是實效之豐果。

大乘修清淨平等正覺之因。

則成智慧無量壽莊嚴之果。

謹言慎行。明哲保身。」

知事少時煩惱少。識人多處

是非多。」

司馬光云。君子囊括不言。以避

小人之禍。

范純仁云。戒尔勿多言。多言眾

所忌。不慎樞機。災厄從此始。

孔子与恶人言。故遜词以免禍。

心定者其言重以舒。不定者其言  
輕以疾。此程子教人者也。

菩薩三種順菩提門法。

一者依智慧門。不求自樂。遠離我心。

貪著自身故。

二者依慈悲門。拔一切眾生苦。遠離  
離無安眾生心故。

三者方便門。憐愍心一切眾生心。遠離  
離



恭敬。供養。自身。心故。

勤修戒定慧。息滅貪瞋癡。便能

扭轉未來。不論。是自身健康。家

庭幸福。事業成功。乃至。世運災變。

人類大家庭。以和平與寬恕相待。  
才能共存共榮。和平在自己內心裏。  
唯有愛好中國傳統文化。才有幸  
福人生。唯有愛好和平。才能帶來

和平。

古今中外。大聖大賢的教誨。才是  
人類億萬代。生存幸福之根基。才  
是社會國家世界。永恆常治久安。

之大道不可不知也。

東方聖學皆出自性。修之弘之。

福慧無量無邊。得人身。遇正教的。

是百千劫希有因緣。難逢之事。

釋迦。孔子第一正知正見。即是

述而不作。信而好古。此中義境。

深廣無盡。唯佛與聖。乃能究竟一切創

新者。所不能知耶。

英人湯恩比言。解決二十一世紀社會問

題。唯有中國孔孟學說。與大乘佛法。

孔孟孝敬存心。忠恕為用。

仁義

大乘真誠為體。慈悲妙用。

深信聖賢教育。能覺悟人性。喚醒  
人心。回頭是岸。湯博士之言誠然。

三世如來同讚歎

十方菩薩共皈依

左傳曰。夫上之所為。民之歸也。上  
所不為。而民或為之。是以加刑罰  
焉。若上之所為。而民亦為之。乃其  
所也。又可禁乎。



易曰。天行健。君子以自強不息。  
保合大和。萬國咸寧。  
君子體仁。足以長人。嘉會足以  
合禮。利物足以和義。貞固足以

以幹事。君子行此四德。居上不驕。  
在下不憂。

同聲相應。同氣相求。

夫大人者。與天地合其德。與日月

合其明。与四时合其序。与鬼神  
合其吉凶。天且弗违。而况於人乎。  
君子以厚德载物。  
積善之家。必有餘慶。積不善

之家。必有餘殃。」

君子敬以直內。義以方外。敬義

立而德不孤。」

蒙以養正。聖功也。」

容民畜眾。開國成家。

小人勿用。必亂邦也。

天道虧盈而益謙。地道變盈而

流謙。鬼神害盈而福謙。人道

惡盈而好謙。謙尊而光。卑而不可踰。君子之終也。謙：君子卑以自牧。勞謙君子萬民服也。

觀民之俗以察己道。百姓有  
罪。在余一人。君子風著。己乃無  
咎。化主將欲自觀。乃觀民也。  
觀乎天文以察時變。觀乎人

文。以化咸天下。

君子以多識前言往行。以畜其

德。慎言語。節飲食。天地養萬

物。聖人養賢以及萬民。



聖人感人心而天下和平。觀其所  
感而天地萬物之情可見矣。  
君子非禮弗履。自昭明德。言有  
物。行有恆。家道正而天下定矣。

君子反身修德。見險能止。散過  
宥罪。見善則遷。有過則改。思不  
出其位。其道光明。  
有朋自遠方來。不亦樂乎。

順乎天。應乎人。悅以先民。民勸矣。  
節以制度。不傷財。不害民。  
信立而後。邦乃化。民各得其所。直  
而正。靜而順。乖爭不作。物無巧

競敦實之道行。篤信發乎其中矣。  
順其所同則吉。乘其所趣則凶。  
德合天地。知周萬物。道濟天下。樂  
天知命。故不憂。曲成萬物而不遺。

子曰。君子居其室。出其言善。則  
千里之外應之。況其邇者乎。居  
其室。出其言不善。則千里之外違  
之。況其邇者乎。言出乎身。加乎

民行發乎邇見乎遠。言行君子  
之樞機。榮辱之主。可不慎乎。  
二人同心其利斷金。同心之言其  
臭如蘭。

上慢下暴。盜思伐之矣。慢藏誨盜。

治容誨淫。

易。無思也。無為也。寂然不動。感

而遂。通天下之故。非天下之至神。

其孰能與於此。夫易聖人之所以  
極深而研幾也。唯深也。故能通天  
下之志。唯幾也。故能成天下之務。  
唯神也。故不疾而速。不行而至。



天之所助者順也。人之所助者信也。  
履信思乎順。是以天佑之。吉無不  
利。天地之大德曰生。聖人之大寶曰  
位。守位曰仁。理財正辭。禁民為非。

曰義

善不積。不足以成名。惡不積。不足以滅身。小人以小善為無益。而弗為也。以小惡為無傷。而弗去也。故惡積

而不可掩。罪大而不可解。

子曰：君子安其身而後動，易其心而

後語，定其交而後求。君子修此三

者，故全也。

君子安不忘危。存不忘亡。治不忘亂。  
是以身安而國家可保也。

天之道曰陰與陽。地之道曰柔與  
剛。人之道曰仁與義。

後半多取自

《群書治要》

中國特色

五倫

父子有親  
夫婦有別  
君臣有義  
長幼有序  
朋友有信

五常——仁·義·禮·智·信

四維——禮·義·廉·恥

八德

忠孝仁愛  
信義和平

重義  
循理

明明(体也)

德。真實之際。(相也)親民。真實之利。真如自性。大悲大慈。

止(用也)於至善。

(清淨平等覺)

真實智慧。善巧方便。落實在

格物。

格除放下。物欲。

自私自利。名聞利養。五欲六塵。貪瞋痴慢。

致知。

發菩提心。深信因果。讀誦大乘。勸進行者。

誠意。

不執着、不分別、不起心、不動念。

正心。

仁、義、忠、恕、推己及人。

修身。

五倫、五常、四维、八德、（五戒、十善）

齊家。

（家道、家規、家學、家業）

治國。

（共和、法國之本也、人法之根源也。  
（聖賢君子）

平天下。

（大和）  
國政、平等對待、湯以七十里王天下、族教、和睦相處、文王以百里王天下。

君子養心莫善於誠。致誠去他。唯  
仁之守。唯義之行。誠心守仁。則能  
化。誠心行義。則能變。變化代興。謂  
之天德。不誠。則不能化萬物。不誠。



則不能化萬民。誠者，君子之守而  
政事之本也。君子恥不修，恥不信。  
恥不能，不恥不見用。是以不誘於  
譽，不恐於誹。率道而行，端然正

己。不為物傾側。是謂之君子。

有亂君。無亂國。有治人。無治法。禹

之法未亡。而夏不世主。文武之法

猶存。而周不世王。故法不能獨立。

得其人則存。不得其人則亡。法者，  
治之端也。人（君子）者，治之源也。故  
有君子，法雖省，足以備矣。無君子，  
法雖具，足以亂矣。故明主急得其

人。身。逸。而。國。治。愛。民。而。安。好。士。而。榮。公。道。達。而。私。門。塞。公。義。明。而。私。事。息。德。厚。者。進。而。佞。悅。止。貪。利。者。退。而。廉。節。者。起。

諸佛教人持戒修定開慧。所謂因  
戒得定。因定開慧。戒者規矩也。不  
以規矩不成方圓。故持戒必先弟子  
規。次感應篇。次十善業。沙彌律儀。

以奠根基。再以兩年熟背古文二百篇。  
取得文言文之金鑰匙。則閱覽四庫深  
入三藏。可以得心應手矣。而後於儒釋  
道。取其一經一論一門深入。十年薰修。

教之道。貴以專。十年專攻一經。即是持  
戒。常人三四年。即可得三昧。(定)六七年不能澈  
悟。亦當成大悟。(慧)悟後起修。學儒必成  
聖賢。君子學佛。則成佛菩薩。學道。

則成神仙。此乃是人生真實大事。因緣也。願天下有志者事竟成。

金剛經云。若有善男子。善女人。受持讀誦此經。若為人輕賤。是人先世罪業。應



隨土惡道。以今世人輕賤故。先世罪業。

即為消滅。當得阿耨多羅三藐三菩

提。

涅槃云。定多不分別慧少分別。不離無明。定少

慧多。增長邪見。」

忍辱第一道。先須除人我。事來

無所受。即是真菩提。」

不執着也

大珠和尚云。我今意況大好。他人罵

時無惱。無言不說是非。涅槃生死同  
道。識達自家本宗。猶來無有青州一  
切妄想分別。將知世人不了。寄可言凡  
夫末代。除卻心中藁草。

孔子曰。道者所以明德也。德者所以  
尊道也。是故非德不尊。非道不明。  
雖有國焉。不教不服。是故昔者明主。  
內修七教。外行三至。七教修焉。可以

守。三至。行焉。可以征。七教不修。雖守不  
固。三至不行。雖征不服。

孔子曰。上敬老則下益孝。上順齒則下  
益悌。上樂施則下益諒。上親賢則下擇

友。上好德則下不隱。上惡貪則下恥爭。  
上強果則下廉恥。民皆有別則貞則  
正。亦不勞矣。此謂七教。七教治民之  
本也。教成是正矣。

上者。民之表也。表正。則何物不正。是  
故君先立於仁。則大夫忠。而士信。民敦。  
工璞。商慤。女孝。婦聽。七教之志也。  
上之親下也。如腹心。則下之親上也。如

保子之見慈母也。上下相親如此。然後  
令則從。施則行。

明主因天下之爵。以尊天下之士。此之  
謂至禮。不讓而天下治。因天下之祿。以富



天下之士。此之謂至賞。不費而天下之士  
說。則天下之明譽興。此之謂至樂。無聲  
而天下之民和。

所謂天下之至仁者。能合天下之至親。

所謂天下之至知者。能用天下之至和  
者也。所謂天下之至明者。能選天下之  
良者也。此謂三至。

仁者莫大於愛人。知者莫大於知賢。

政者莫大於官賢。中庸曰：為政在人。人也。

孔子曰：古之為政，愛人為大，所以治。禮為大，所以治。禮，敬為大，敬

之至也。是故君子與敬為親，舍敬是  
遺親也。弗愛不親，弗敬不正。愛與  
敬，其政之本與。

三代明王之政，必敬其妻子也。有道

妻也者。親之主也。敢不敬與？子也。親  
之後也者。親之後也。敢不敬與？君子  
無不敬也。敬身為大。身也者。親之枝也。  
敢不敬與？不能敬其身。是傷其親。傷

其本傷其枝也。

禮有三本。天地者，性之本也。先祖者，

類之本也。君師者，治之本也。無天地焉

生，無先祖焉出，無君師焉治。

孔子曰。以舊禮為無所用而去之者。必  
有亂患。故婚姻之禮廢。則夫婦之道  
苦。而淫辟之罪多矣。鄉飲酒之禮廢。  
則長幼之序失。而爭鬥之獄繁矣。聘射

之禮廢。則諸侯之行惡。而盈溢之敗起  
矣。喪祭之禮廢。則臣子之恩薄。而倍死  
忘生之禮眾矣。凡人之知。能見已然。不  
能見將然。禮者。禁於將然之前。而法者。



禁於已然之後。是故法之用易見。而禮  
之所為生。難知也。曰。禮云。禮云。貴賁絕  
惡於未萌。而起敬於微眇。使民日徙善。  
遠罪。而不自知也。

為人主計。莫如安審取舍。取舍之極定  
於內。安危之萌應於外也。安者非一日  
而安也。危者非一日而危也。皆以積。然不  
可不察也。善不積不足以成名。惡不積

不足以滅身。而人之所行。各在其取舍。  
以禮義治之者。積禮義。以刑  
罰治之者。積刑罰。刑罰積而民怨  
倍。禮義積而民親和。

湯武置天下於仁義禮樂而德澤  
廣育四夷。累子孫三十餘世。歷年久六  
八百歲。此天下共聞之也。秦王置天下  
法令刑罰。德澤無一。有而怨毒盈世。

民憎惡如仇讎。禍幾及身。子孫誅絕。  
此天下所共見也。夫用禮樂仁義  
為天下者。行五六百歲猶存。用法令  
為天下者。十餘年即亡。是非明數大

驗乎。今人或言禮義不如法令。教化  
不如刑罰。人主胡不承殷周秦事以  
觀之乎。

殷為天子三十一世六百二十九年。而周受之。

周為天子。三十七世八百六十七年。而秦  
受之。秦為天子。二世而亡。凡十有五年。  
人性非甚相遠也。何殷周有道之長。  
而秦無道之暴。其故可知也。

周武王崩。成王十歲。召公為太保。周公  
為太傅。太公為太師。保保其身體。傅  
傅其德義。師導導之教訓。此三公之職也。  
於是為置三少。皆上大夫也。曰少保。少傅。



少師。是與太子宴者也。故孩提三公三少。  
固明孝、仁、禮、義，以導習之也。逐去邪人，  
不使見惡行。於是選天下端士，孝悌閑  
博有道術者，以輔翼之。使之與太子居處

出入。故太子乃見正事。聞正言。行正道。左  
視右視。前後皆正人。夫習與正人居。不能  
不正也。孔子曰。少成若天性。習貫之為常。  
此殷周之所以長有道也。

太任孕文王。目不視惡色。耳不聽淫聲。  
口不出惡言。故君子謂太任為能胎教  
也。古者婦人孕子之禮。必慎所感。感於  
善則善。感於惡則惡。不可不慎也。



諸惡莫作  
眾善奉行



# 老人言



淨宗學院  
Pure Land Learning College Assoc. Inc.

網址: [www.amtb-us.org](http://www.amtb-us.org)  
[www.jingzong.org](http://www.jingzong.org)  
[www.pllc.cn](http://www.pllc.cn)  
電郵: [pllcweb@gmail.com](mailto:pllcweb@gmail.com)

